

---

William Marrion Branham

---

# Morongwa

---

Fela mo metlheng ya lentswe la moengele wa bosupa...

Tshenolo 10:7



# DITENG

---

1

MOPOROFETI?

7

TSHOLOFETSO YA MOPOROFETI Mo  
METLHENG YA BOFELO

13

TSHIMOLOGO

17

MENGWAGA YA BONANA

31

PINAGARE YA MOLELO

38

MASAITSEWENG A SENOTSWE

44

METSWEDI

Voice Of God Recordings, Inc. ke tirelo boruti ya makoko a a kopaneng e e neetsweng go anamisa Efangedi ya Morena Jesu Keresete. Ke thapelo ya rona gore bukana ena e tlaa nna tshegofatso mo go wena ebile e tlaa go naya tlhaloganyo e e botoka ya oura e e thari e e re tshelang mo go yona.

# MOPOROFETI?

**M**o Baebeleng, Modimo o tlhotse a tlisa Molaetsa wa Gagwe ko bathong ba lefatshe ka moporofeti wa paka. O ne a bua le Moshe ka setlhatshana se se tukang a bo a mo naya thomo ya go etelela pele Bahebere go tswa ko Egepeto. Pinagare ya Molelo e e bonalang le ditshupo tse dingwe di ne tsa neelwa go rurifatsa bodiredi jwa gagwe. Johane Mokolobetsi o ne a tlisa Molaetsa o o neng o baakanyetsa lefatshe go tla ga Mesia. Fa a ne a santse a kolobetsa Morena Jesu ko Nokeng ya Jorotane, Lentswe go tswa Legodimong le ne la tlhomamisa thomo ya ga Johane go itsise Kwana ya Modimo, "Yona ke Morwaake yo o rategang, yo mo go ena ke itumelang thata." Dinyaga morago, Lentswe la Morena le ne la utlwiwa gape le bua le moporofeti motlhlang A ne a bua le Paulo mo Leseding le le fatlhlang, mme morago ne la mo naya thomo ya go tlhoma dikereke mo tolamong. Go ralala Kqolagano e Ntshwa le e Kgologolo, Modimo ga a ise a ko a bue le batho ba Gagwe ka tsamaiso ya selekoko kgotsa mokgathho wa sedumedi. Ena o nnile ka gale a bua le batho ba gagwe ka motho a le mongwe: Moporofeti wa Gagwe. Mme O ne a rurifatsa baporofeti bana ka ditshupo tsa bofetatlholego.

**Fela ga tweng ka ga gompieno? A Modimo o santse a senola Lefoko la Gagwe ko baporofeting? A go santse go na le ditshupo tsa bofetatlholego? A Modimo a ka romela moporofeti wa segompieno mo lefatsheng? Karabo go tlhomame go feta thata ke,**

**"Ee!"**

Fela re tlaa itse jang motlhlang moporofeti a tlhagelelang? Ena o tlaa lebega a le jang? O tlaa itshola

jang? Ke lotshwao le feng le a tlaa re le nayang? Ke Dikwalo difeng tse a tlaa di diragatsang?

Baporofeti ba kgale ba ne ba le banna ba ba pelokgale ba Modimo, mme ba ne ba sa boife go ema kgatlhanong le makgotla a sedumedi. Ka nnete, bona ba ne ka gale le gale ba batlile ba tlhapaola ke baruti. Elia o ne a gwetlha makgotla a sedumedi a motlha wa gagwe, a ba botsa fa e le gore Modimo o tlaa tlhompha tshupelo ya bona, kgotsa ya gagwe. Ba ne ba thela loshalaba. Ba ne ba porofeta. Ba ne ba tlolela mo godimo ga aletare. Ba ne ba itshega ka dithipa. Fela Modimo o ne a sa ba utlwe. Elia o ne a lebelela kwa Legodimong a bo a re, "A go itsiwe letsatsi leno gore wena o Modimo mo Iseraeleng, le gore nna ke motlhanka wa gago, ebile nna ke dirile dilo tsotlhe tsena go ya ka lefoko la gago." O ne a tloga a bo a bitsa molelo go tswa Legodimong go fisa tshupelo. Mika moporofeti o ne a itshokela Kgosi ya Israele, le boruti jo bo feletseng, motlhang a ne a kgalema Moperesiti yo Mogolo Sedekia ka ntlha ya go porofeta leaka. Moperesiti yo Mogolo ne a mo itaya mo sefatlhegong mme Kgosi e ne ya mo golega ka ntlha ya go bua boammaaruri. Le e leng Morena Jesu o ne a tlhoilwe thata jalo ke makgotla a sedumedi a motlha wa Gagwe gore ba ne ba Mmapola go bapa le dirukhutli tse di pelompe go gaisa thata. Fa ditso di tsepame ka nnete, moporofeti o ne a tlaa ilwa ke tsamaiso ya selekoko ya segompieno, mme o ne a tlaa bidiwa moikeodi, moporofeti yo o seng ene, kgotsa mo go maswe go feta. Fela Modimo o ne a tlaa ema go tshegetsa motlhanka wa Gagwe.

**Fa go ka bo go ne go na le moporofeti mo motlheng ona wa segompieno, o ne a tlaa amogelwa jang ke Kereke ya Khatholike? Kereke ya Baptisti? Kereke ya Lutere? Lekoko lengwe le lengwe?**

Morena Jesu o ne a roma botlhe ba ba Mo dumelang: "Mme ditshupo tsena di tlaa ba latela ba ba dumelang; Mo leineng la me ba tlaa kgoromeletsa bodiabolo ntle; ba tlaa bua ka diteme tse dintšhwa; Ba tla tsholetsa dinoga; mme fa ba nwa sepe se se bolayang, ga se tle go ba bolaya; ba tla baya diatla mo go ba ba lwalwang, mme bona ba tlaa tsoga." (Mareko 16:17-18). A Lokwalo lena ke nnene gompieno? Fa le se nnene, Ke leng mo Mafoko a Morena a neng a se tlhole a dirisiwa? Ka nako yotlhe go ralala Baebele, baporofeti ba ne ba kgona go fodisa balwetsi, go kgoromeletsa bodiabolo ntle, le go diragatsa metlholo. Moshe ne a baya nogya ya kgotlho mo pele ga batho ba Iseraele go ba fodisa mo go lomiweng ke dinoga tse di nang le tšhefi (Dipalo 21:9). Namane, Mosiria yo o nang le maatla, ne a tla ko go Elisha go fodisiwa lepero (II Dikgosi 5:9). Erile lekau lengwe le ne le wela losong lwa lone go tswa ko letlhhabaphefong la ko bonnong jo bo kwa godimo, moapostolo Paulo ne a mo kamatlela a bo a busetsa botshelo ka mo mmeleng o o suleng (Ditiro 20:10). Re na fela le rekhote ya go batlile go nna mengwaga e le 3½ ya botshelo jwa Morena wa rona Jesu, fela ka nako ya mengwaga e mokawana eo, O ne a fodisa ba ba lwalang ka malatsi otlhe. Difofu di ne tsa dirwa gore di bone. Balepero ba ne ba fodiswa. Disusu di ne tsa amogela kutlo ya bona. Ditlhotsa di ne di tsamaya. Mohuta mongwe le mongwe wa bolwetse o ne o fodisiwa (Matheo 4:23).

Modimo o ne gape a rurifatsa baporofeti ba gagwe ka ditsela tse dingwe kwa ntle ga diphodiso. Le e leng diphiri tsa pelo tse di neng di sireleditswe thata di ne di itsisiwa ko banneng bana ba Modimo. Kgosi Nebukatenesare o ne a na le toro e e neng e tlhobaetsa, fela o ne a sa kgone go gakologelwa gore e ne e le ka ga eng. Moporofeti Daniele o ne a bolelela kgosi tsoopedi

toro le seporofeto se se neng sa latela (Daniele 2:28). Ga go sepe se se neng se fitlhetswe Solomone fa Kgosigadi ya Sheba e ne e tla kwa pele ga gagwe. O ne a tletse ka Mowa thata mo e leng gore o ne a mmolelela dipotsa tsa pelo ya gagwe *pele* a di botsa (I Dikgosi 10:3). Elisha o ne a bolelela Kgosi ya Israele maikaelelo otlhe a Kgosi ya Siria, le e leng mafoko a kwa sephiring a a neng a bolelwa ko kamoreng ya gagwe ya borobalo (II Dikgosi 6:12).

Ka ditiro tse e leng tsa gagwe, Morena Jesu kgapetsa kgapetsa o ne a bontsha gore Mowa ona wa temogo ke Mowa wa Keresete. O ne a lemoga tlholego ya ga Nathanaele fa A ne a re, “Bonang Moiseraele ka mmannete, yo go senang boferefere bope mo go ena!” Mme Jesu o ne a tswelela go bolelela Nathanaele kwa a neng a le gone fa Filipo a ne a mmolelela ka ga Mesia (Johane 1:48). Erile Nathanaele a ne a bona gore Jesu o ne a itse pelo ya gagwe, o ne a mo lemoga gone fela foo gore ke Keresete. Lekgetlo la ntlha fa Jesu a ne a bona Petoro, O ne a mmolelela leina la ga rraagwe, Jona (Johane 1:42). Petoro foo o ne a tlogela tsotlhe a bo a latela Jesu botshelo jwa gagwe jo bo neng bo setse. Jesu ne a kgatlhana le mosadi wa Mosamarea kwa sedibeng a bo a mmolelela ka ga maleo a gagwe a a fetileng. Mafoko a gagwe a ntlha a ne a le, “Rra, ke lemoga gore wena o moporofeti” (Johane 4:19). Botlhe batho bana ba le bararo ba ne ba tswa kwa metsamaong e e farologaneng ya botshelo, le fa go le jalo bona gona fela foo ba ne ba lemoga Jesu fa A ne a bontsha neo ya temogo.

A neo ena e ne ya nyelela motlheng letlhare la bofelo la Baebele le ne le kwadilwe? Fa metlholo eno e kwadilwe mo go tlhaloganyegang motlhofo jaana ka mo Baebeleng, yone e kae gompieno? Moporofeti wa metlha ya segompieno ka tlhomamo o tlaa rurifadiwa ka metlholo.

A Modimo o lebetse batho ba Gagwe? A O santse a kgon a go fodisa ba ba lwalang? A O santse a bua le rona ka baporofeti ba Gagwe? A go na le ope wa baporofeti yo o neng a bonelapele letsatsi leno?

**A go na le diporofeto tse di  
santseng di tshwanetswe  
go diragadiwa ka nako e?**



# TSHOLOFETSO YA MOPOROFETI MO METLHENG YA BOFELA

One mafoko a bofelo a a kwadilweng ka mo Kgolaganong e Kgologolo a naya tsholofetso ena: **“Bonang, Ke tlaa lo romela moporofeti Elia pele ga go tla ga letsatsi le legolo le le le boifisang la MORENA: Mme ena o tla sokololela pelo ya borrabana ko baneng, le pelo ya bana ko go ya borrabo, esere ka tla ka itaya lefatshe ka phutso.”** (Malaki 4:5-6)

Letsatsi le legolo le le le boifisang la Morena le santse le tshwanetse gore le tle, go raya gore re tshwanetse re solofeleng ka bopelophepa go tla ga moporofeti Elia. Ka mo Baebeleng, baporofeti ga ba a ka ba tla ko makgotleng a sedumedi a kakanyo e e tumileng. Ba ne ba tla ko ba ba faphegileng ba ba mmalwa. Gopola fa moporofeti wa Malaki 4 a ne a tlie, mme a ne a sa bonwa. Go ka tweng fa a ne a le jaaka baporofeti ba bogologolo, mme go le fela batho ba ba tlalang seatla ba ba mo lemogang? Fa moporofeti yona a tshwanetse go boa mo motlheng wa bofelo, re tlaa mo itse jang? Karabo e bonwa ka go tlhologanyega motlhofo mo Dikwalong. O tlaa nna le tlholego ya moporofeti. O tlaa itse diphiri tsa pelo. O tlaa diragatsa metlholo. Makgotla a sedumedi a tlaa leka go mo tlontlolla. Fela go tlaa nna le ba ba tlhophilweng ba ba mmalwa ba ba tlaa mo lemogang jaaka morongwa wa motlha yo o solofeditsweng.

**Re tlaa itse jang motlheng Elia a boang? Ke mekgwa efe e a tlaa e bonatshang gore rona re kgone go mo lemoga?**

Elia o ne a le monna wa kwa nageng. Ditshupo tse di tona di ne di latela bodiredi jwa gagwe. O ne a rera kgatlhanong le maswe a motlha wa gagwe. Ena bogolo segolo o ne a rera kgatlhanong le tshokamo ya Kgosigadi Jesebele. Motlhong Elia a ne a tseelwa kwa Legodimong mo kareng ya dipitse ya molelo, mowa wa gagwe o ne wa wela mo go Elisha. Ditshupo tse dikgolo le dikgakgamatso di ne tsa latela tsa supa bodiredi jwa ga Elisha, mme gape o ne a rera kgatlhanong le maleo a lefatshe. Baporofeti boobabedi ba ne ba ema ba le esi kgatlhanong le makgotla a selekoko a motlha oo. Mengwaga e le makgolo e e latelang, mowa o o tshwanang o ne wa boela mo lefatsheng ka mo go Johane Mokolobetsi. Moporofeti Malaki o ne a bolelelapele gore Elia o ne a tlaa boa go itsise Morena: “*Bonang, Ke tlaa romela morongwa wa me, mme ena o tlaa baakanya tsela fa pele ga me...*” (Malaki 3:1). Johane Mokolobetsi o ne a nna popego ya nnete ka a ne a biletsha tshokologo mo gare ga bana ba Modimo. Jaaka Elia, o ne a rera kgatlhanong le kgosi le makgotla a segompieno a sedumedi. Morena Jesu o ne a tlhomamisa gore Johane Mokolobetsi e ne e le moporofeti wa Malaki 3 mo Bukeng ya ga Matheo (11:10): “*Gonne yona ke ena, yo ka ena go kwadilweng, Bonang, Ke romela morongwa wa me fa pele ga sefatlhego sa gago, yo o tlaa baakanyang tsela fa pele ga gago.*” Luka 1:17 ya re mowa wa ga Elia (Eliase) o ne o tshwanetse go nna mo go Johane Mokolobetsi, “*Mme ena o tla tsamaya fa pele ga gagwe ka mowa le thata tsa ga Elia, go sokolela dipelo tsa borrabana ko baneng.*” Fela lemoga gore karolo ya bobedi ya ga Malaki 4 e ne e santse e tshwanetswe e diragadiwe: “*...le pelo ya bana ko go borraabona, e se re Ka tla ka itaya lefatshe ka phutso.*” Karolo eo ya Lokwalo e tlaa diragala pele ga go Tla ga Bobedi ga Keresete.

**Mengwaga e le dikete tse pedi morago ga Johane Mokolobetsi, ke nako gape ya gore mowa wa ga Elia o boeile mo lefatsheng.**

Letsatsi leo le tlie! Mo motheng ono, re bone mowa wa ga Elia o boa. O ne a gana go obamela tsamaiso ya selekoko ya segompieno. O ne a ema kgatlanong le maleo a lefatshe. O ne a bonatsha ditshupo le dikgakgamatso tse di senang palo. O ne a rera Baebele lefoko ka lefoko go tloga mo go Genesi go ya ko go Tshenolo. Moporofeti wa Malaki 4 ne a tla jaaka go ne go solofeditswe, mme o ne a tlisa Molaetsa go tswa Teroneng ya Modimo Mothatayotlhe. Leina la moporofeti yoo ke **William Marrion Branham**. Re mmitsa “Mokaulengwe Branham.”

“William Branham, yo ke neng ke mo rata ebole ke ne ke dumela go bo a le moporofeti wa Modimo.” Oral Roberts, moefangedi yo o itsengeng kae le kae mo lefatsheng ebole e le mosimolodi wa Unibesithi ya Oral Roberts.

“William Branham o ne a tla tseleng ya rona jaaka moporofeti wa Modimo a bo a re supegetsa mo ngwagakgolo wa masome a mabedi ka bolotwe dilo tse di tshwanang tse di neng di bonaditswe mo Makwalong...Modimo o etetse batho ba Gagwe, gonne moporofeti yo mogolo o ne a tthatlogile mo gare ga rona.” Dr. T.L. Osborn, moefangedi wa Mopentekoste le mokwadi yo o nang le bokgoni.

“Pele ga go rapelela motho, o ne a tle a neele dintlha tse di tsepameng tse di amanang le mathoko a motho, le gape dintlha ka matshelo a bona - legae la matsalo a bona, ditiragatso, ditiro - le e leng kgakala morago kwa bonaneng jwa bona. Branham le gangwe ga a ise a dire phoso ka lefoko la kitso mo mengwageng yotlhe e ke neng ke na le ena. Moo go akaretsa, mo seemong sa me, dikete tsa dikai.” Ern Baxter, moefangedi, motsamaisi wa Matsholo a Branham ka mengwaga e le supa, ebole e le mongwe wa baeteledi pele ba British New Church Movement.

Motho ga a ise a tlhotlheletse lefatshe ka tsela e e bonagalang jaana esale Morena Jesu Keresete a tsamaya mo lefatsheng. Go tswa kwa tshimologong e e boingotlo ko ntlwananyaneng e le nngwe e e dirilweng ka dikgong ko dithabaneng tsa Khenthakhi, go ya ko Amarillo, Theksase, kwa Morena a neng a mo tseela Gae, botshelo jwa gagwe bo ne jwa tshwaiwa ka nako yotlhe ke ditiragalo tsa bofetatlholego. Ka kaelo ya Moengele wa Morena ka 1946, bodiredi jwa ga Mokaulengwe Branham bo ne jwa ntsha tlhase e e neng ya tlhasinya lebaka la ditsosoloso tse di tona tsa phodiso tse di neng tsa anama mo Amerika le go dikologa lefatshe. Go fitlha mo letsatsing leno, o ne a dumelwa ke bakwala ditso ba Bakeresete e le “rré” le “motlhotlheletsi” wa ditsosoloso tsa phodiso ya bo 1950 e e neng ya fetola Kereke ya Pentekoste mme ka tsela e e bonagalang kwa bofelong e e neng ya tsala Charismatic movement, o gompieno o tlhotlheletsang go batlile go nna lekoko lengwe le lengwe la Protestante. Le fa go le jalo, go le nnete go ya ka popego ya gone, makoko a tlhokomologa dithuto tsa gagwe le go gana thomo ya gagwe.

Le fa e le kae kwa a neng a ya gone, Modimo o ne a tlhomamisa gore Mokaulengwe Branham ke moporofeti wa kokomana ena. Jaaka Jobe, Morena o ne a bua le ena ka mo setsuatsueng. Jaaka Moshe, Pinagare ya Molelo e ne ya bonwa e mo etelela pele. Jaaka Mika, o ne a kgoba ke ba e leng baruti. Jaaka Elia, O ne a le monna wa kwa bogareng ga naga. Jaaka Jeremia, o ne a roma ke Moengele. Jaaka Daniele, o ne a bona diponatshegelo tsa isago. Jaaka Morena Jesu, o ne a itse diphiri tsa pelo. Ebile jaaka Paulo, o ne a fodisa ba ba lwalang.

Morena o ne a etetse batho ba Gagwe gape ka moporofeti. Mo nakong e e lefifi bogolo go gaisa mo ditsong, kwa mo go sa lettlelesegang go ne go tebetse kwa boteng jo bo neng bo ise bo bonwe pele le dibetsa tsa kganyaolo ya boidiidi di neng di bonala kwa kgaleng,

monna yo o ingotlileng o ne a romelwa go tswa kwa bolengteng jwa Modimo go biletsha lotso le le swang tshokologong.

Morutwa yo o ratiwang Johane ne a kwala ka ga Morena Jesu:

*Mme gape go na le dilo di le dintsi tse dingwe tse Jesu a neng a di dira, tse e leng gore, fa nngwe le nngwe e tshwanetswe e kwadiwe, ke gopola gore le e leng lefatshe ka bolone le ne le ka se kgone go tshola dibuka tse di neng di tshwanetswe di kwadiwe. Amen.* (Johane 21:25)

Se se tshwanang se ka bolelwa ka ga botshelo jwa ga Mokaulengwe Branham. Go na le dithero tse di fetang 1,200 tse di theipilweng di na le dikete tsa dipolelo ka ga botshelo jwa monna yona yo o pelokgale. Ntswa go le jalo re tswelela re utlwa bopaki ka ga tlhotlheletso ya gagwe mo matshelong a didikadike tsa batho. Bukana ena e ka se kgone go kgwara le ka mothla o le ope bodilo jwa ditlamorago tse monna yona wa Modimo a nnileng le tsone mo lefatsheng.



# TSHIMOLOGO

“Motlhang ke ne ke tsalwa ko ntlwananyaneng ya dikgong e nnye ko Khenthakhi golo koo, Moengele wa Morena ne a tsena ka letlhhabaphefo a bo a ema foo. Go ne go na le Pinagare ya Molelo.”

Makuku a ne fela a simolola go tlhaga mo lefifing la loapi le le tsidifetseng la Moranang. Letlhhabaphefo le le lengwe, la logong le ne le tlhatlogile go tsenya lesedi la mo mosong ka mo kamoreng e nnye ya ntlwananyana ya logong. Tswetlha e e neng e eme fa gaufi le letlhhabaphefo e ne ekete e ne e gaketse bogolo segolo mo mosong ono mme e ne e opelelela kwa godimodimo ga makgwafo a yone. Ka mo gare ga ntlwananyana e e dirilweng ka logong, Charles Branham wa monana o ne a tsenya diatla tsa gagwe ka mo pareng e ntšhwa ya dioborolo tsa gagwe a bo a leba golo ko mosading wa gagwe wa mengwaga e le 15. “Re tlaa bitsa leina la gagwe William,” ne ga bua rre.

Ka mo letlhhabaphefong go ne ga tsena Lesedi la bofetatholego. Lesedi le ne la tsamaya go ralala kamore la bo le rakalala mo godimo ga bolao kwa lesea le neng le tsetswe. Lena e ne e le lone Lesedi le le neng la hudusa bana ba Bahebere go tswa kwa Egepeto. E ne e le Lesedi le le tshwanang le le neng la kgatlhantsha Paulo mo tseleng ya gagwe go ya Damaseko. Mme Le ne le tlaa tswelela go etelela lesea lena go biletsha Monyadiwa wa Keresete kwa ntle ga lefatshe. Lesedi leo e ne e se ope o sele fa e se Moengele wa Morena, Pinagare ya Molelo; mme Yone e ne gangwe gape e bonagetse ko bathong.

Mme teng foo, ka mo ntlwananyaneng e nnye ena ya dikgong, mo mosong oo wa Moranang ka di 6, mmelegisi o ne a bula letlhhabaphefo gore



Lefelo la matsalo a ga William Branham, Burkesville, KY.

lesedi le kgone go phatsimela ka mo teng go lettelelala Mma le Ntate go bona se ke lebegang jaaka sone. Ne ga tloga ga tsena lesedi le le neng le ka nna bogolo jwa mosamo le ferelela ka letlhhabaphefo. le ne le dikologa go dikologa kwa ke neng ke le gone, la bo le fologela mo bolaong. Ba le mmalwa ba batho ba kwa thabeng ba ne ba eme foo. Ba ne ba lela.

Legae le le boikobo le ne le le kwa dithabaneng tsa Khenthakhi borwa, gaufi le toropo e nnye ya Burkesville. E ne e le motlha wa ga Moranang 6, 1909. Lesea le e ne e le wa ntlha wa bana ba le lesome ba ba neng ba tlaa tsalwa ba Charles le Ella Branham.

E ne e se kgale pele ga Moengele wa Morena a ne a tlaa etela William Branham wa monana gape.

Fa a ne a le ngwana, Moengele ne a buwa le ena la ntlha, a bua gore o ne a ile go tshela botshelo jwa gagwe gaufi le motsemogolo o o bidiwang New Albany. O ne a tsena ko tlung a bo a bolelela mmaagwe se se neng se fetsa go diragala. Jaaka mma mongwe le mongwe, ga a a ka a akanya sepe ka ga polelo ya gagwe a bo a mo robatsa mo bolaong go ritibatsa ditshika tse dinnye tsa gagwe. Mengwaga e mebedi e e latelang, lelwapa

la gagwe le ne la hudugela ko Jeffersonville, Indiana, fela dimaele di le mokawana go tswa kwa borwa jwa Indiana motsemogolong wa New Albany.

Moengele o ne a bua gape le moporofeti wa monana dinyaga di le mmalwa morago. E ne le letsatsi le le didimetseng la Lwetse le letsatsi le le bothithole phatsima mo gare ga matlhare a a tletseng mebala a legwetla. Mosimane o ne a tlhotsa jaaka a ne a rwele dikgamelotse pedi tsa metsi go fologa ka mmila. Setlhotlha sa mmidi se ne se bofeletswe ka fa tlase ga mono wa gagwe o o gobetseng go o tshola kwa ntle ga leswe. O ne a dula fatshe go itapolosa fa tlase ga moriti wa setlhare se se tona sa popolare. Dikeledi di ne di elela go tswa mo matlhong a gagwe ka a ne a lela ka ga botlhoka tshego jwa gagwe: Ditsala tsa gagwe di ne di ijela monate kwa mosimeng wa fa gae wa go tshwara ditlhapi, mme ena o ne a tshwaregile a gela rraagwe metsi. Ka tshoganetso, phefo e ne ya simolola go dikologa mo setlhareng kwa godimo ga gagwe. O ne a phimola matlho a gagwe a bo a ema mo dinaong tsa gagwe. O ne a utlwa modumo wa matlhare a foka mo moweng...fela go ne go sena phefo. O ne a lelalela godimo, mme go ka nna bokgakala jwa halofo go ya kwa godimo ga setlhare sa popolare, sengwe se ne se dikolosa matlhare a a omeletseng.

Ka tshoganetso Lentswe le ne la bua, “O sekwa wa nwa nnotagi kgotsa wa goga kgotsa wa itshekolola mmele wa gago ka tsela epe, go tlide go nna le tiro gore o e dire fa o le mogolwane.” Mosimane yo tshogileng wa dinyaga di le supa o ne a latlha diemere tsa gagwe a bo a sianela ko go mmaagwe.

### **Jaaka moporofeti Samuele, Modimo o ne a buile gape le ngwana.**

Dibeke di le mmalwa morago, o ne a tshameka dimmabole le monnawe. Kutlo e e sa tlwaelesegang e ne

ya tla mo go ena. O ne a lebelela golo ka kwa borogong jwa Noka ya Ohio a bo a bona borogo jo bontle. Banna ba le lesome le borataro ba ne ba wela kwa losong lwa bona jaaka borogo bo ne bo kgabaganya noka. Moporofeti wa monana o ne a bone ponatshegelo ya gagwe ya nthha. O ne a bolelala mmaagwe, mme o ne a kwala polelo ya gagwe. Mengwaga morago, banna ba le lesome le borataro ba ne ba wela kwa losong lwa bona jaaka borogo jwa Second Street ko Louisville, Khenthakhi bo ne bo agiwa kwa godimo ga Noka ya Ohio.

**Morena o ne a mmontsha diponatshegelo tsa isago. Mme jaaka baporofeti kwa pele ga gagwe, diponatshegelo ga di ise di palelwe.**

# MENGWAGA YA BONANA

Go ralala botshelo jwa gagwe, Mokaulengwe Branham o ne a eletsa thata go nna ko bogareng ga naga. Ko mengwageng ya 18, o ne a tloga Indiana go ya dithabeng tse di makgawekgawe tsa kwa bophirima. Go nna ga gagwe ko Arizona ga go a ka ga nna mo go leele pele a ne a patelesega go boa.

Letsatsi lengwe ke ne ka tsaya tshwetso gore ke fitlhetsi tsela ya go kgaogana le pitso eo. Ke ne ke ya kwa bophirima go dira kwa polasing ya mafulo. Tsala, Modimo o mo tona fela golo koo jaaka Ena a ntse lefolong lengwe le lengwe. Mma wena o nne le poelo ka maitemogelo a me. Motlhang Ena a go bitsang, o Mo arabe.

Mosong mongwe ka lwetse mo ngwageng wa 1927, ke ne ka bolelela mma gore ke ne ke tsamaya go ya Tunnel Mill ka mosepele wa go kampa, o e leng go ka nna dimaele di le lesome le bonê go tloga Jeffersonville kwa re neng re nna gone ka nako eo. Ke ne ke setse ke rulagantse mosepele go ya Arizona le ditsala dingwe tsa me. Motlhang mma a ne a utlwa go tswa mo go nna gape, ke ne ke se ko Tunnel Mill fela ko Phoenix, Arizona, ke sia go tloga kwa Modimong wa Lorato. Botshelo jwa kwa mafulong bo ne bo le jo bo molemo thata lobakanyana, fela jona mo segautshwaneng bo ne jwa nna jwa bogologolo, go tshwana le monate mongwe le mongwe o mongwe wa lefatshe. Fela mma ke bue fano, Bakang Modimo, maitemogelo le Jesu a gola go nna botshe go feta le botshe go feta nako yotlhe ebile one ga a nne a kgale. Jesu o naya kagiso e e itekanetseng le kgomotso ka nako yotlhe.

Dinako di le dintsi ke ne ka utlwa phefo e foka mo gare ga diphaene tse di telele. Go ne ekete ke ne ke kgona go utlwa lentswe la Gagwe le bitsa kgakala kwa ntle ko sekgweng, le re, "Atamo, wena o kae?" Dinaledi di ne ekete di gaufi thata wena o ne o ka kgona go di tsaya ka diatla tsa gago. Modimo o ne okare o mo gaufi thata.

Selo se le sengwe ka lefatshe leo ke ditsela mo sekakeng. Fa wena o ka ba wa fapoga mo tseleng, o timela motlhofo thata. Dinako di le dintsi thata bajanala ba bona dithunya tse dinnye tsa sekaka ba bo ba tloga mo tselakgolong go di tsaya. Bona ba kalakatlega mo sekakeng ba bo ba timela ebile dinako dingwe ba swe ka ntlha ya lenyora. Go jalo mo tseleng ya Sekeresete – Modimo o na le tsela ya mheru. O bua ka ga yona mo go Isaia, kgaolo ya bo 35. Yona e bidiwa "Tselakgolo ya Boitshepo." Dinako di le dintsi menatenyana ya lefatshe e go gogela kwa thoko ga tsela ya mheru. Ka nako eo o latlhegetswe ke maitemogelo a gago le Modimo. Mo sekakeng fa wena o timetse, koo ka dinako dingwe go tlhagelela moenene. Ko bathong ba ba swang ka ntlha ya lenyora, moenene o tlaa nna jaaka noka kgotsa letsha. Dinako di le dintsi batho ba sianela ko go yone ba bo ba wela ka mo go yone fela gore ba fitlhele gore bona ba sapa ka mo motlhabeng o o mogote. Dinako dingwe diabolo o go supegetsa sengwe se a reng ke nako ya go ja monate. Moo ke fela moenene, ke sengwe se se seng sa mmannete. Fa o reetsa o tlaa iphitlhela fela o kgobokanya matlhotlhaphelo mo tlhogong ya gago. O seka wa mo ela tlhoko, mmadi yo o rategang. Dumela Jesu yo o na yang bao ba ba tshwerweng ke tlala ebile ba nyorilwe metsi a botshelo.

Letsatsi lengwe ke ne ka amogela lekwalo le le tswang kwa gae le mpolelela gore mongwe wa

bomorwarrê o ne a lualala thata. E ne e le Edward, yo a ntlhatlhamang. Jaaka go sololetswe ke ne ka akanya gore go ne go sa tlhoafala, jalo he ke ne ka dumela gore o ne a tlaa siama. Fela maitseboa a mangwe malatsi a le mmalwa morago fa ke ne ke tsua kwa motsemogolo, fa ke ne ke feta mo gare ga ntlolehalahala ya dijo kwa polasing ya mafulong, ke ne ka bona pampiri mo tafoleng. Ke ne ka e tsaya. E ne e balega e re, "Bill, tlaya ko mafulong a a kwa bokone. Botlhokwa thata." Morago ga ke se na go bala lekwalo tsala nngwe le nna re ne ra tsamaela golo ko mafulong. Motho wa ntlha yo ke neng ka kgatlhana le ena ke modisa yo mogolo wa Lone Star yo neng a dira mo mafudisong. Leina la gagwe e ne e le Durfy, fela re ne re mmitsa "Pop." O ne a na le tebegoo ya go supa maikutlo a kutlobotlhoko mo sefatlhegong sa gagwe jaaka a ne a bua a re, "Mosimane Billy, ke go tsholetse dikgang tse di maswe." Ka nako eo foromane o ne a tla a tsamaela golo kong. Ba ne ba mpolelela gore thelekeramo e ne e fetsa go goroga, e mpolelela ka ga loso lwa ga morwarrê.

Tsala e e rategang, ke ne ka se kgone go suta motsotso. E ne e le loso lwa ntlha ka mo lelwapeng la rona. Fela ke batla go bua gore selo sa ntlha se ke neng ka akanya ka ga sone e ne e le gore a o ne a itlhawatlhwaeleditse go swa. Jaaka ke ne ke retologa go dikologa go leba go kgabaganya loboa le le tshetlha, dikeledi di ne tsa elelela kwa tlase mo marameng a me. Ka foo ke neng ka gakologelwa ka foo re neeng ra sokola ga mmogo ka teng fa re ne re le basimane ba bannye le ka foo go nnileng ga bo go le bokete mo go rona.

Re ne re ya kwa sekolong re na le ka boutsana mo go lekaneng go jewa. Menwana ya dinao e ne e le kwa ntle ga ditlhako tsa rona ebile re ne re tle re tshwanele go apara dijase tsa

kgale di kopetswe kwa godimo mo molaleng ka gore re ne re sa apara dihempe dipe. Ka foo ke gakologelwang gape letsatsi lengwe Mma a ne a na le diphopokhonênyana tsa dijotshegare ka mo emereng e nnye. Re ne re sa je le bana ba bangwe. Re ne re sa kgone go reka dijo go tshwana le tse ba neng ba na le tsone. Re ne re ngongwaelela kwa moseja ga thabana ka nako yotlhé re bo re ja. Ke gopola letsatsi le re neng re na le phopokhonê, re ne re akanya gore e ne e le sengwe se se faphegileng sa nnete se se itumedisang. Jalo he go tlhomama gore ke ne ke na le seabo sa me sa yone, ke ne ka tswela kong pele ga sethoboloko ka bo ke tsaya mo go lekaneng go tletse seatla pele ga morwarrê a tsaya seabo sa gagwe.

Foo ke neng ke ntse ke eme foo ke lebile kwa loboeng lo lo neng lo lo lokgere ke ne ka akanya ka ga dilo tsotlhé tseo mme ka ipotsa fa Modimo a ne a mo isitse ko lefelong le le botoka. Ne ga tloga gape Modimo ne a mpitsa, fela jaaka go tlwaellegile, ke ne ka leka go go lwantsha.

Ke ne ka baakanya go ya gae go ela phitlho. Fa Moruti McKinny wa Kereke ya Port Fulton, monna yo o fela jaaka rra mo go nna, a ne a rera phitlho ya gagwe o ne a umaka gore, "Go ka nna ga bo go na le bangwe fano ba ba sa itseng Modimo, fa go le jalo, Mo amogeleng jaanong." Ao ka foo ke neng ka ngaparela setilo sa me, Modimo o ne a dira gape. Mmadi yo o rategang, fa A bitsa, Mo arabe.

Ke ka sekaka lebala ka foo Rrê le Mmê ba ba humanegileng ba ba godileng ba neng ba lela morago ga phitlho. Ke ne ke batlile go boela kwa Bophirima fela Mmê ne a nthapela thata gore ke sale kwa bofelong ke ne ka dumela go sala fa ke ne ke ka kgonà go bona tiro. Mo segautshwaneng

ke ne ka bona tiro kwa Komponeng ya Tirelo Morafe ya Indiana.

Go ka nna mengwaga e le mebedi morago fa ke ne ke santse ke tlhatlhoba dimitira kwa lebenkeleng la dimetara kwa Gas Works ko New Albany, ke ne ka fekeetswa ke gase ka bo ke lwala dibeké ka ntsha ya yone. Ke ne ka ya ko dingakeng tsotlhe tse ke neng ke di itse. Ke ne ka se kgone go bona thuso. Ke ne ke bogiswa ke asiti ka mo dimpeng, e bakilwe ke ditlamorago tsa gase. Go ne go nna mo go maswe go feta ka nako yotlhe. Ke ne ka isiwa ko go baitseanape ko Louisville, Khenthakhi. Bona kwa bofelong ba ne ba re e ne e le lela la sukiri ba bo ba re ke ne ke tshwanetse ke dire karo. Ke ne ke sa kgone go go dumela ka gore ke ne ke ise ke nne le botlhoko mo letlhakoreng la me. Dingaka di ne tsa re di ne di ka sa kgone go ntirela sepe go tsamaya ke dira karo. Kwa bofelong ke ne ka dumela gore e dirwe fela ke ne ka gatelela gore ba dirise more o o tshwarisang lefelo le le leng tikologong ya karo bogatsu gore ke kgone go lebelela karo.



Ao, ke ne ke batla mongwe yo o itseng Modimo a eme gaufi le nna. Ke ne ke dumela mo thapelong fela ke ne ke sa kgone go rapela. Jalo he modiredi go tswa go First Baptist Church ne a tsena le nna mo phaposing ya learo.

Fa ba ne ba ntlosa go tswa tafoleng go ya kwa bolaong jwa me, ke ne ke ikutlwa ke nna bokoa go feta le bokoa go feta nako yotlhe. Pelo ya me e ne e uba

ka boutsana. Ke ne ke utlwa loso mo go nna. Mohemo wa me o ne o nna o mo khutshwane go ya pele nako yotlhe. Ke ne ke itse gore ke ne ke fitlhile kwa bofelong jwa tsela ya me. Ao tsala leta go tsamaya wena o fitlha koo gangwe, foo wena o tlaa akanya ka ga dilo tse dintsi tse o di dirileng. Ke ne ke itse gore ke ne ke ise ke goge, ke nwe nnotagi kgotsa ke nne le mekgwa epe e e bosula fela ke ne ke itse gore ke ne ke sa itlhwatlhwaetsa go kgatlhana le Modimo wa me.

Tsala ya me fa wena o le fela leloko la kereke e e gwaletseng ya semmuso, o tlaa itse fa o fitlha kwa bofelong gore wena ga o a itlhwatlhwaetsa. Jalo he fa moo e le sotlhe se wena o se itseng ka ga Modimo wa me, ke go kopa gone fano gore o ye faatshe mo mangoleng a gago o bo o kopa Jesu go go naya maitemogelo ao a go nna yo o tsetsweng sesa, jaaka A ne a bolelela Nikodimo ko go Johane kgaolo ya 3, mme ao ka foo ditloloko tsa boipelo di tlaa tsidimang ka gone. Baka leina la Gagwe.

Go ne ga simolola go tswelela go nna lefifi go feta ka mo kokelong, jaaka okare go ne go le ko dikgweng tse ditona. Ke ne ke kgona go utlwa phefo e foka mo matlhareng, ntswa e ne e le gore okare e ne e le sekgala se se leelee kgakala ko dikgweng. Gongwe o kile wa utlwa fa phefo e e budulotsweng e foka matlhare, e tla gaufi go feta le go feta mo go wena. Ke ne ka akanya, "Sentle, mona ke loso le tlile go ntsaya." Ao! mowa wa me wa botho o ne o tshwanetse go kgatlhana le Modimo, ke ne ke leka go rapela fela ke ne ke sa kgone.

Phefo e ne e tla gaufi go feta, go le modumo go feta le go feta. Matlhare a ne a gwasa leratla mme fela ka tshoganetso, ke ne ke ile.

Ka nako eo go ne ga lebega ekete ke ne ke boetse gape go nna mosimane yo monnye ke sa rwala sepe mo dinaong, ke eme ko seferwaneng sele kwa tlase ga setlhare sone seo. Ke ne ka utlwa lone Lentswe lele le le neng la re, "O sekwa wa nwa nnotagi kgotsa wa goga." Mme matlhare a ke neng ka a utlwa e ne e le one a a neng a foka mo setlhareng seo letsatsi leo.

Fela ka nako e Lentswe le ne la re, "Ke ne ka go bitsa mme wena o ne wa se rate go ya." Le ne la boeletsa lekgetlo la boraro.

Foo ke ne ka re, "Morena, fa e le Wena, nttelelele ke boele lefatsheng gape mme nna ke tlaa rera Efangedi ya Gago go tswa kwa ditlhoeng tsa dintlo le dikgogometsong tsa mebila. Ke tlaa bolelela mongwe le mongwe ka ga yone!"

Fa ponatshegelo ena e setse e fetile, ke ne ka utlwa gore nna ga ke ise ke ikutlwé mo go botoka go feta. Ngaka ya me e e arang e ne e santse e le ka mo phaposing. O ne a tla a bo a nteba mme o ne a maketse. O ne a lebega jaaka ekete o ne a akanya gore nna ke ne ke tlaa bo ke sulé, foo o ne a re, "Nna ga ke motho yo o tsenang kereke, tiro ya me e tona thata, fela ke a itse gore Modimo o ne a etetse mosimane yo." Gobaneng a ne a bua seo, ga ke itse. Ga go ope yo neng a bua sepe ka ga gone. Fa nka bo ke itsile ka nako eo se ke se itseng jaanong, nka bo ke ne ke tsogile mo bolaong joo ke goeletsat Bakang Leina la Gagwe.

Morago ga malatsi a le mmalwa ke ne ka letlelelwá go boela gae fela ke ne ke santse ke lwala ebile ke patelesega go rwala digalase mo matlhong a me ka ntlha ya bolwetse jwa popego e e fetogileng ya letlalo le le khurumeditse leitlho. Tlhogo ya me e ne e roroma fa ke ne ke leba sengwe lobaka.

Ke ne ka simolola go senka le go bona Modimo. Ke ne ka ya kerekeng go tswa kerekeng, ke leka go

fitlhela lefelo lengwe kwa go neng go na le piletso aletareng ya segologolo. Karolo e e hutsafatsang ke gore ke ne ka se kgone go filthela lepe.

Ke ne ka re fa nka bo ka nna Mokeresete, ke tlaa nna mongwe ka mmannete. Modiredi yo neng a utlwa ke bua tshwaelo e ne a re, "Jaanong Billy thaka, wena o ya go fapogela ka mo bogogotlong." Ke ne ka bua gore fa ke ka ba ka fitlhela bodumedi, ke batla go bo utlwa fa bo tla, fela jaaka barutwa ba ne ba dira.

Ao baka leina la Gagwe. Ke ne ka fitlhela bodumedi morago ga lobaka mme ke santse ke na le jone, ebila ka thuso ya Gagwe, ke tlaa tlhola ke bo tshegeditse.

Bosigo bongwe ke ne ka tshwarwa ke tlala thata ya Modimo le maitemogelo a mmannete gore ke ne ka tswela ntlo ko mokhukhung wa kgale ko morago ga ntlo ka bo ke leka go rapela. Ke ne ke sa itse go rapela ka nako eo jalo he ke ne fela ka simolola go bua le Ena jaaka ke ne ke tlaa bua le mongwe o sele. Ka tshoganetso go ne ga tla lesedi ka mo mokhukhung la bo le bopa sefapaano mme lentswe go tswa mo sefapaanong le ne la buwa le nna ka puo e ke neng ke sa kgone go e tlhaloganya. Le ne la tloga la tsamaya. Ke ne ke reregile. Fa ke ne ke thanya gape ke ne ka rapela, "Morena fa moo e le Wena, tsweetswee tlaya mme o buwe le nna gape." Ke nnile ke bala Baebele ya me esale ke nnile ko gae go tswa kokelong mme ke ne ke badile mo go 1 Johane 4, "Baratiwa, lo se dumele mewa yotlhe, fela le e lekeng fa e le ya Modimo."

Ke ne ke itse gore mowa o ne o bonagetse ko go nna mme jaaka ke ne ke rapela o ne wa bonala gape. Foo go ne ga nna okare mo go nna go ne go na le sengwe se se neng se tlositswe mo godimo

ga mowa wa me wa botho. Ke ne ka tlolela godimo ka bo ke sianela ko ntlong mme go ne okare ke ne ke siana mo phefong.

Mma ne a botsa, "Bill, ke eng se se go diragaletseng?" Ke ne ka araba, "Ga ke itse fela nna go tlhomame ke ikutlwa ke siame ebile ke le motlhoho." Ke ne ke sa kgone go tlholo ke nna ka mo ntlong mo go fetang moo. Ke ne ke tshwanetse ke tswele ntle ke bo ke siane.

Ke ne ke itse ka nako eo gore fa Modimo a ne a mpatla gore ke rere, O ne a tlaa mphodisa. Jalo he ke ne ka ya ko kerekeng e e neng e dumela mo go tlotseng ka lookwane ka bo ke fola ka ponyo. Ke ne ka bona foo gore barutwa ba ne ba na le sengwe se badiredi ba le bantsi ba senang sone gompieno. Barutwa ba ne ba kolobeditswe ka Mowa o o Boitshepo mme ka ntlha eo ba ne ba kgona go fodisa balwetsi le go dira metlholo e e makatsang mo Leineng la Gagwe. Jalo he ke ne ka simolola go rapelela kolobetso ya Mowa o o Boitshepo ka bo ke e amogela.

Letsatsi lengwe dikgwedi di le thataro morago, Modimo ne a nnaya keletso ya pelo ya me. O ne a buwa le nna mo leseding le le tona, a mpolelela go tsamaya ke rere le go rapelela ba ba lwalang mme Ena o tlaa ba fodisa go sa kgathalesege bolwetsé jo ba nang le jone. Ke ne ka simolola go rera le go dira se A neng a mpoleletse go se dira. Ao tsala, nka se kgone go simolola go go bolelela tsotlhé tse di neng tsa diragala: Matlho a a foufaditsweng a ne a bulega. Batlhotsi ba ne ba tsamaya. Dikankere di nnile tsa fodisiwa, le mehuta yotlhé ya metlholo e nnile ya diriwa.

Letsatsi lengwe kwa tlasetlase ga Spring Street, Jeffersonville, Indiana, morago ga tsosoloso ya dibeké di le pedi, ke ne ke kolobetsa batho ba le



130. € ne e le letsatsi le le mogote la Phatwe mme go ne go na le go ka nna batho ba le 3,000 ba ba neng ba le teng. Ke ne ke le gaufi le go kolobetsa motho wa bo 17 fa ka ponyo ya leithlo ke neng ka utlwa Lentswe leo le le didimetseng, le lennye gape mme le ne la re, "lebelela kwa godimo." Loapi le ne le le jaaka kgotlho letsatsi leo le le mogote la Phatwe. Re nnile re ise re nne le pula go batlile go nna dibeke di le tharo. Ke ne ka utlwa Lentswe le gape, mme foo gape lekgetlo la boraro le ne la re "leba kwa godimo."

Ke ne ka leba kwa godimo mme foo go ne ga tla go tswa kwa looping naledi e kgolo e e phatsimang, e ke e boneng dinako di le dintsí pele fela e e leng gore nna ga ke ise ke lo bolelele ka ga yone. Dinako di le dintsí ke boleletse batho ka ga go bonala ga yone mme bone ba ne ba tle ba tshege fela ba bo ba re, "Bill, wena o tshema fela ka ga yone. Kgotsa gongwe o ne o lora." Fela bakang Modimo, ka nako ena O ne a Iponagaditse pepeneng mo go botlhe, ka gobo e ne ya tla gaufi thata le nna ke ne ka se kgone le e leng go bua. Morago ga metsotswana e le mmalwa e sena go feta ke ne ka goeletsa mme batho ba le bantsi ba ne ba leba kwa godimo ba

bo ba bona naledi mo godimo ga me. Bangwe ba ne ba idibala fa ba bangwe ba ne ba santse ba thela loshalaba ebole ba bangwe ba ne ba siela kgakala. Ne ga tloga naledi ya bo e boela ka ko loaping mme lefelo kwa e neng ya tloga le batlile le nna difutu di le lesome le botlhano tsa sekwere mme lefelo leno le ne la tswelela le sutha ebole le fetlhega mo tikologong kgotsa jaaka makhubu a ne a fidikologa. Go ne bo bopegile mo lefelong lena leri le lennye le lesweu mme naledi e ne ya amogelwa ka mo gare ga leri lena le lennye.

### **Jaaka Johane Mokolobetsi, moporofeti o ne a rurifadiwa ka mo metsing a Kolobetso.**

Diponatshegelo di ne tsa tswelela. O ne a bolelelwa ke badiri ka ena ba baruti gore diponatshegelo tsa gagwe di ne di sa tswe ko go Modimo. O ne a bolelelwa gore mowa o o bosula o ne o mo laola. Sena se ne sa mo tshwenya mo go tseneletseng. Mokgweleo o ne wa fetoga go nna o o bokete thata go o itshokela, jalo he o ne a ya ka ko bogareng ga naga go batlisisa Thato ya Modimo. O ne a ipofile thata gore ena o ne a ikana go se boe ntle le karabo. E ne e le foo, ko ntlwananyaneng ya kgale ya logong ya go tsoma, kwa e leng gore Moengele wa Morena o ne mo naya thomo ya gagwe. Mo gare ga dilo tse dingwe, Moengele o ne a mmolelela sena: “Fa o tla dira gore batho ba go dumele, o bo o nna peloephepa fa o rapela, ga go sepe se se tla kgoreletsang dithapelo tsa gago, le eseng kankere.”

### **Dipelaelo tsotlhe di ne di ile. O ne jaanong a na le thomo mme ka bopelokgale o ne a gatela pele. Tsosoloso ya phodiso e ne e simolotse.**

Makgolo a dikete a ne a nna teng kwa matsholong a ga Branham. Dikete di ne tsa fodisiwa mo Leineng la Morena Jesu Keresete. Baefangedi ba bangwe jaaka Oral Roberts, T.L. Osborn, le A.A. Allen mo segautshwaneng

ba ne ba latela Mokaulengwe Branham ba bo ba simolola ditsosoloso tsa bona tsa phodiso. Morena o ne a nesa ditshegofatso tsa Gagwe jaaka a ise a dire pele. Seatla se se foidisang sa ga Jesu Keresete se ne gangwe gape sa bo se ama batho ba Gagwe.

“Nna kgapetsakgapetsa ke ne ke lela ka boipelo ka ntlha ya neo ya Modimo ya sesheng mo kerekeng ya mokaulengwe yo o ratiwang wa rona, William Branham, ka neo ya gagwe e e gakgamatsang ya phodiso. Mona ke tiragatso ya Modimo a dira mo go fetang thata go le kwa godimo ga tsotlhe tse re ka kgonang go di kopa kgotsa go di akanya (Baefese 3:20), ka gobo nna ga ke ise ke bone kgotsa ka bala ka sengwe se se neng se lekana le bodiredi jo bo foidisang jwa ga William Branham.”

Moruti F.F. Bosworth, moefangedi yo o itsegeng kae le kae mo lefatsheng le mongwe wa borra ba ba simolotseng lekoko la Diasembli Tsa Modimo le gape mokgatlo wa segompieno wa Pentekoste.

“Mo sekaing se le sengwe, re ne re lebile fa a ne a bua le monna a robetse mo bolaong jo bo menegang. Lantlha go ne go sena tshupo epe ya tsibogo ya bothale go tswa mo go motho yo. Tlhaloso e ne ya tla ka nako eo go tswa mo mosading yo neng a eme gaufi, gore monna o ne a sa swe fela ka kankere, fela gore o ne e le susu ebile a sa kgone go utlwa se se neng se buiwa.

Mokaulengwe Branham foo ne a bua gore go tlaa tlhokega gore monna yo a tle a amogege go utlwa ga gagwe gore a tle a kgone go mo kaela ma lebang le phodiso ya kankere ya gagwe. Go ne ga nna le motsotso wa thapelo. Ka ponyo ya leithlo monna yo ne a kgona go utlwa! Dikeledi tse kgolo tse di tona di ne tsa elelela

fatshe ga marama a monna yoo yo sefatlhego sa gagwe maitseboeng otlhe ao se nnileng se se na tebego ebole se se na molebo wa kgathlhego. O ne a reetsa ka kgatlhego e e tseneletseng jaaka a ne a bolelwa ka ga kgololo ya gagwe mo kankereng.”

Moruti Gordon Lindsay, mokwadi yo o nang le bokgoni thata, modiredi, le mosimolodisi wa Mokgatlho wa Keresete wa Ditshaba.

“Mokaulengwe Branham ne a re, ‘Leloko la phuthegokgolo o fodisitswe.’ Pelo ya me e ne ya tlola. Ke ne ka gatela pele ka bo ke amogela Morena jaaka Mofodisi wa me. Ke ne ka baya diikokotledi tsa me fa thoko...mme botlasetlase jwa Legodimo bo ne ba wela ntle!”

William D. Upshaw, Leloko la phuthegokgolo ya US (1919-1927), ntlhophang ya Botautona jwa US ka 1932. A neng a golafetse esale go wa go ne go roba mokwatla wa gagwe a sa le ngwana. O ne a le 84 mothhang a ne a fodisiwa ka botlalo go tswa thapelang ya ga Mokaulengwe Branham, morago ga a se na go nna segole ka mengwaga e le 66. O ne a sek a tlhola a tlhoka koloi sekolonkothwana kgotsa diikokotledi mo botshelong jo bo setseng jwa gagwe.

“Ke nnile ke le mo mokwatleng wa me mengwaga e ferabobedi le dikgwedi di ferabongwe ka T.B. mme dingaka di ne di ineetse ka nna. Ke ne ka boutsana ke na le bokete jwa diponto di le 50 mme go ne ekete tshepo yotlhe e ne e ile. Fong go tswa ko Jeffersonville, Indiana, ne ga tla Moruti WM Branham mo ponong e e leng gore o ne a e bone ka ga kwanyana e e neng e tshwerwe ko nageng ebole e lela ‘Milltown,’ ko e leng gore ke kwa ke nnang. Mokaulengwe Branham o ne a ise a ko a nne gone fano kgotsa a itse ope go tswa fano.

Go tseneng, o ne a baya diatla mo go nna a bo a rapela, a bitsa mo godimo ga me Leina la Morena wa rona Jesu. Sengwe okare se ne sa tsaya taolo ya me mme gone fela foo ke ne ke emeletse ke leboga Modimo ka ntlha ya thata ya Gagwe ya go fodisa. Nna jaanong ke moletsathomo mo kerekeng ya Baptisti fano."

Georgia Carter, Milltown Indiana, o ne a a fodisiwa T.B. e e isang losong ka 1940 mme ga a ise a bogiswe ke bolwetse joo letsatsi lengwe mo botshelong jwa gagwe. Ena o emela masome a dikete tsa batho ba ba nnileng ba fodisiwa ka bodiredi jwa gagwe ebile ba a fodisiwa le mororo gompieno.

# PINAGARE YA MOLELO

Mokaulengwe Branham kgapetsakgapetsa o tlhalosa Pinagare ya Molelo e e neng ya rurifatsa bodiredi jwa gagwe. E ne e le teng ko tsalong ya gagwe, e ne ya bonwa ke dikete ko losing lwa Ohio River, mme e ne ekete e ne e mo latela gongwe le gongwe kwa a neng a ya gone. E ne e le ka 1950 kwa Morena a neng a neela boo babedi badumedi le badumologi go tshwana bosupi jo bo sa foseng gore Pinagare ena ya Molelo e ne e na le moporofeti.

Bosigo bo ne bo khurumeditswa mo kganetsanong kwa Patlelong ya Sam Houston. Mokaulengwe Branham o ne a etelela pele tsosoloso ya phodiso e e neng e aname mo lefatsheng. Ditshegofatso tsa ga Morena Jesu di ne di tshologa jaaka pula mo godimo ga madirelo a semowa a korong. Fela ditshupo tse di tona le metlholo ga di a tla di sena go kgalwa. Jaaka ka gale, mmaaba ne a tsosa moganetsi. Maatla a mabedi a



a ne a kgatlhana ko Houston Theksase, mme Moengele wa Morena ka Boene ne a fologa go lwa ntwa.

Dikete di ne di setse di le teng go supela metlholo e e sa balegeng e e neng e latela monna yona wa Modimo. Letsatsi le le fetileng, setlhophapha sa baruti ba mo gae ba ne ba gwetlha moporofeti go ngangisana ka phodiso ya Semodimo, fela kgwethlo e ne ya wela ko go mmata wa kgale yo o ikanyegang wa moporofeti, Moruti F.F. Bosworth. Babelaedi ba le bantsi ba ne ba lwanelwa ditshwanelo ke modiredi wa mo gae wa Mobaptisti

mme e le moganetsi wa phodiso ya Semodimo yo o buwang puophaa. Puisanyo e e neng e sololetswe e ne ya rothisetswa ko dikoranteng, tse ka bonako di neng tsa phatlalatsa kgangkgolo, “*Bobowa Jwa Dithuto Tsa Bodumedi Bo Tlaa Fefoga Ka 7 p.m. Gompieno Ka Mo Patlelong Ya Sam Houston.*”

Babelaedi ba ne ba thapa moitseanape wa mokapa ditshwantsho, Ted Kipperman wa ga Douglas Studios, go gatisa puisanyo mo mokwalong. Maitseboeng ao, ditshwantsho di ne tsa tsewa le Mokaulengwe Bosworth a eme ka boingotlo jaaka mmelaedi a ne a eme sentle mo diemong tse di tshosetsang; ka nako nngwe ka monwana wa gagwe o sotlhomeditswe ka mo sefatlhegong wa monna mogolo yo yo o boikobo.

Erile ngangisano e simolola, Moruti Bosworth ka bonako o ne a netefatsa bonnete jwa phodiso ya Semodimo ka bosupi jwa Dikwalo mme foo, go se tlogele potso epe, ne a kopa botlhe ba ba neng ba foidisitswe makoa a bona go ema. Dikete di ne tsa ema ka dinao tsa bona. Morago ga bao ba ba neng ba foidisitswe ba sena go tsaya manno a bona, o ne a botsa fa botlhe bao ba ba neng ba foidisitswe ka phodiso ya Semodimo ba ba neng ba le maloko a a ikanyegang a lekoko la monna yona ba ne ba tlaa ema. Maloko a le makgolo a le mararo a kereke a ne a tlhatloga go bontsha ka motlotlo boutlwelo botlhoko jo Morena Jesu a bo ba supeditseng.

Kgwethlo e ne ya tloga ya tla ko mmelaeding. “A mofodisi yoo wa Selegodimo a tle mo pepeneneng. A ena a diragatse.” Mokaulengwe Bosworth ne a go ranola gore Jesu ke ena fela Mofodisi wa Semodimo, fela go tlhakalatsa go tswa mo go mmelaedi go ne ga tswelela. Kwa bofelong, Mokaulengwe Bosworth ne a laletsa Mokaulengwe Branham ko seraleng. O ne a amogelo taletso mo gare ga leratla la tshegetso.

Moporofeti, a tletse ka Mowa o o Boitshepo, ne a neela tsibogo e latelang:

Ga ke kgone go fodisa ope. Sena ke a se bolela. Motlheng ke ne ke le lesea ke tsetswe ko lefatsheng la Khenthakhi, go ya ka mmê yo e leng wa me yo o rategang, le se se nnileng sa rurifadiwa go ralala botshelo jwa me, go ne ga nna le lesedi le le neng la tsena ka mo kamoreng ya lesomo leo le lenye la kgale foo, kwa le neng le le gone, go sena bodilo ka mo go yone, e ne e sena le e leng letlhhabaphefo, ba ne fela ba na le selo se sennyé sa kgale go nna letlhhabaphefo, jaaka mojako o monnyé, mme ba ne ba le kgorometsa la bulega go ka nna nako ya bothano mo mosong, mme lesedi lena le ne la dikologa la tsena fela jaaka go ne go nna maphakela. Esale ka nako eo, le nnile le na le nna. Ke Moengele wa Modimo. Ena ne a kgatlhana le nna ka sebelebele mengwaga e le mmalwa e e fetileng. Go fologa go ralala botshelo jwa me, o ne A mpolelela dilo tse di neng di diragala, mme nna ke ne ka di bolela fela jaaka A ne a mpoleletse. Mme nna ke gwethha mongwe le mongwe kwa lefelong lengwe le lengwe, go ya ko motsemogolo o ke neng ka godiswa gone, kgotsa golo gope go sele, kwa polelo e nnileng ya ba ya dirwa mo Leineng la Morena, fa e se e e neng ya tla fela totatata ka tsela e go neng ga buiwa gore go tlaa dira.

**Morago a sena go bua mafoko ao, Mowa o o Boitshepo o ne wa tshologela mo seraleng, mme mokapa ditshwantsho yo neng a gaketse ne a kapa setshwantsho. Mokaulengwe Branham ne a tloga mo seraleng ka polelo e e mothofo, ntswa e ne e le ya seporofeto: “Modimo o tlaa paka. Nna ga ke sa tla go tlhola ke bua sepe.”**

Modira mmogo ka Rrê Kipperman ne a tsamaya ka bonako go dira mo go godiseng ditshwantsho ka ntlha ya dikgang tsa moso o o latelang. O ne a lemoga



sengwe se se neng se gakgamatsa jaaka a ne a ntsha setshwantsho sa ntlha go tswa mo motswakong wa go godisa. Sone, jaaka ditshwantsho tse di tlhano tse di latelang, di ne di sena sepe. O ne a tlamparela pelo ya gagwe a bo a wela ntlheng ya kwa pele fa a ne a ntsha setshwantsho sa bofelo go tswa mo motswakong. Moo, mo setshwantshong seo sa bofelo, go ne go le Pinagare ya Molelo mo popegong e e bonalang e iketlile mo godimo ga tlhogo ya moporofeti wa Modimo, William Marrion Branham.

**Bana ba Iseraele ba ne ba pakela Pinagare ya Molelo e ne e etelela pele Moshe, mme batho ba mothla ona wa segompieno ba ne ba pakela Pinagare e e tshwanang ya Molelo e etelela pele moporofeti yo mongwe.**

Setshwantsho sena se ne sa neelwa ka bonako ko go George J. Lacy, Professional Examiner wa Questioned Documents wa U.S. F.B.I., yo neng a rurifatsa setshwantsho ka kakanyo ya gagwe ya boitseanape. Mokwalo wa semmuso o o neng wa ntshiwa ke Rrê Lacy o ka mo letlhareng le le latelang.

Mona e ne e le kgale pele ga dikhomphiutara le dikapa ditshwantsho tsa dijithale, mme go ne go ka se kgonwe go tlhalosiwa ka mekgwa epe e e itsegeng ko boranyaneng, go na le gore go ne go na le Lesedi totatota mo godimo ga tlhogo ya ga William Branham. Gompieno sone setshwantsho seo se kgonwa go bonwa ko United States Library Of Congress, ko mošateng wa setšhaba, Washington DC.

George J. Lacy  
Motlhathlhabi wa Makwalo a a Belaelwang  
Shell Building  
Houston, Texas

Ferikgong 29, 1950

P E G O   L E   M O G O P O L O

Ka ga: Filimi e e Belaelwang e e iseng e Upololwe

Ka Ferikgong 28, 1950 ka ntlha ya topo ya ga Moruti Gordon Lindsay, yo neng a emetse Moruti William Branham wa kwa Jeffersonville, Indiana, ke ne ka amogela go tswa ko Douglas Studio ya kwa 1610 Rusk Avenue mo motsemogolong ona, filimi ya go kapa ditshwantsho ya diintšhi di le 4 x 5 e e neng e upolotswe ebile e godisitswe. Filimi ena ya ka ga Moruti William Branham ka nako ya ketelo ya gagwe fano mo karolong ya bofelo ya Ferikgong, 1950, go ne ga bolelwa fa e ne e dirilwe ke Douglas Studio kwa Sam Houston Coliseum mo motsemogolong ona.

T O P O

Moruti Lindsay o ne a lopa gore ke dire tlhatlhobo ka maranyane ka ga filimi e e sa upololwang e go boletseng ka yone pele. O ne a lopa gore ke tlhomamise, fa go kgonega, mo mogopolong wa me fa e le gore, morago ga go godisiwa ga pele ga filimi, filimi e e sa upololwang e ne ya tokafadiwa kgotsa ya "fetolwa gore e tsietse" ka tsela nngwe kgotsa nnyaya, mo go neng go ka baka gore moralo wa lesedi o tlhage mo popegong ya lesedi fa godimo ga tlhogo ya ga Moruti Branham.

T L H A T L H O B O

Tlhatlhobo ya go bona dilo tse di bonwang ka leitlho le le twaelegileng le dilo tse di bonwang ka maekorosekoupu fela le keleko ya bodilo jotlhe jwa mathakore a mabedi a filimi e ne ya dirwa, mo Filiming e e neng e le ya Eastman Kodak Safety. Matlhakore otlhe a mabedi a filimi a ne a tlhatlhojwa ka fa tlase ga lesedi le le tlhotlhilweng le le sa bonaleng le makhubu a marang a lone a leng a makhutshwane mo go makhubu a lesedi le le selaoles mo mebaleng ya motshe wa godimo ebile ditshwantsho tsa filimi e tsa lesedi le le sa bonaleng le makhubu a lona a leng a ma leele go feta a lesedi le le hubidu le le bonalang di ne tsa dirwa.

Tlhatlhobo ya go bona dilo tse di bonwang ka maekorosekoupu fela e ne ya palelwa ke go senola go tokafadiwa ga filimi le fa go ka nna fa lefelong lepe ka epe ya mekgwa ya go dira ditokafatso e e dirisiwang mo dikgwebong. Gape, tlhatlhobo ya go bona dilo tse di bonwang ka maekorosekoupu fela e ne ya palelwa ke go senola tshutiso epe ya sediriso se se fa bodilong jwa filimi se se dirang gore filimi e kgone go tsibogela lesedi fa e upololwa se se neng se le mo teng ga moralo wa lesedi le le belaelwang kgotsa mo gautshwane ga one.

Tlhatlhobo ka lesedi le le sa bonaleng le makhubu a marang a lone a leng a makhutshwane mo go makhubu a lesedi le le selaoles mo mebaleng ya motshe wa godimo e ne ya palelwa ke go senola sengwe sepe sa seeng, kgotsa ditlamorago tsa tsibogo nngwe epe ya dikhemikhale mo matlhakoreng otlhe a filimi e e sa upololwang, se se ka bong se bakile moralo wa lesedi, morago ga filimi e e sa upololwang e sena go berekiwa.

Setshwantsho sa lesedi le le sa bonaleng le makhubu a lona a leng a ma leelee go feta a lesedi le le hubidu le le bonalang le sone se ne sa palelwa ke go bipolola sengwe sepe se se neng se tlaa supa gore tokafatso epe e ne ya dirwa ko filiming.

Tlhatlhobo gape e ne ya palelwa ke go senola sepe se se neng se tlaa supa gore filimi e e sa upololwang e go bolelwang ka ga yone e ne e le filimi e e sa upololwang e e neng e dirilwe ka didiriso tse di farologaneng kgotsa gore e ne e le filimi e e sa upololwang e e neng ya upololwa gabedi.

Go ne go se sepe se se neng sa bonwa se e leng gore se ne se tlaa supa gore moralo wa lesedi o go bolelwang ka one o ne wa dirwa ka nakô ya go godisa. Go ne ga se bonwe le e leng sepe se se neng se ka supa gore se ne se sa godisiwa ka tsamaiso ya tlwaelo le e e amogelesegang. Ga go sepe se se neng sa bonwa mo maketeng a neng a tshwantshwanngwa a dilo tsa botlhokwa se se neng se sa dumalane.

### M O G O P O L O

Go ya ka tlhatlhobo e e tlhalositsweng kwa godimo le patlisiso nna ke na le mogopolo o o tsepameng wa gore filimi e e sa upololwang e e neng ya neelwelwa tlhatlhobo, e ne e sa tokafadiwa le e seng gore e ne e le filimi e e sa upololwang e e neng ya dirwa ka didiriso tse di farologaneng kgotsa e e neng ya upololwa gabedi.

Go feta foo, ke na le mogopolo o o tsepameng gore moralo wa lesedi o o tlhageletseng mo godimo ga tlhogo mo popegong ya lesedi la mo godimo ga tlhogo o ne wa bakwa ke lesedi fa le ne le itaya filimi e e sa upololwang.

Go neetswe ka tshisimogo,



# MASAITSEWENG A SENOTSWE

E sale gale mo bodireding jwa ga Mokaulengwe Branham go ne ga itsheka gore tsamaiso ya selekoko e ne e bopetswe gore e tsweletse pele makgotla a sedumedi, mme eseng Efangedi ya nnete. Mokaulengwe Branham o ne a dumela Baebele Lefoko go ya Lefokong, mme o ne a sa tle go tsenya sepe mo dipharagobeng, le fa go ne go raya gore go ka se tlhole go buiwa le go dirisana le ena ke badiri ka ena, ditsala, kgotsa lelwapa.

Fa a ne a santse a le leloko la Kereke ya Baptisti ya Boanamisa Tumelo, o ne bolelelwa go tshwaela badiredi ba basadi. Le fa go le jalo, o ne a itse Dikwalo sentle fela thata. I Timotheo 2:12 go tlhaloganyega motlhoho ya re, “*Fela Nna ga ke dumelele mosadi go ruta, kgotsa go ikgapela maemo a taolo mo godimo ga monna, fa e se gore a nne mo tidimalong,*” le I Bakorinthe 14:34 ya re, “*A basadi ba lona ba didimale ka mo dikerekeng: ka gobane bona ga ba a dumelwelwa go buwa...*” Mona e ne e se sepe kgatlhanong le basadi, fela Baebele e ne e le e e ntsho le bosweu mo serutweng se. Motlhang topo ya bofelo e e sa botsweng e ne e neelwa, o ne a se kgone go tsenya sepe mo dipharagobeng ka jalo o ne a tlogela kereke.

Leo e ne e se Lokwalo lo le esi le le neng le itlhokomoloswa ke makoko. Morena o ne a senolela Mokaulengwe Branham boammaaruri ka ga kolobetso. Jesu o ne a tlaa laola jang gore, “*Ke gone ka moo yaang, le bo le ruta ditshaba tsotlhe, lo ba kolobeletsa mo leineng la Rara, le la Morwa, le la Mowa o o Boitshepo,*” le fa go le jalo kolobetso nngwe le nngwe e e gatisitsweng ka mo Baebeleng e ne e le mo Leineng la

Jesu? Moapostolo Petoro ne a laela mo go Ditiro 2:38 go **sokologa o bo o kolobetswa mo Leineng la Jesu Keresete**. Makwalo a direla mo seoposengweng se se itekanetseng, fela go ne ga tsaya moporofeti go senola sephiri sena: "Rara" ga se leina, "Morwa" ga se leina, le "Mowa o o Boitshepo" ga se leina. Fela jaaka monna a le mongwe e le rrê wa bana ga gagwe, morwa wa batsadi ba gagwe, le morwarre wa bana ba batsadi ba gagwe, ntswa leina la gagwe e se "rra," "morwa," kgotsa "morwarre." Rara, Morwa, le Mowa o o Boitshepo ke ditlhogo tsa ga Leina la Jesu Keresete. Matheo 28:19 le Ditiro 2:38 di ne tsa tla mo kamanong e e itekanetseng.

Le e leng sebe sa kwa tshimologong ka mo Tshimong ya Etene se ne sa senolwa, eseng jaaka go nna leungo, fela sengwe se se boifisang mo go maswe go gaisa. Go ja setoki sa leungo se ne ka kgona jang go senola gone foo ko go Atamo le Efa gore ba ne ba sa ikatega? Gone go le motlhofo ga go dire tlhaloganyo. Ke eng se apole e nang le sone sa go dirisana le bosaikategang? Moporofeti wa Modimo ka go tlhaloganenya motlhofo o ne a senola sephiri sena.

Baengele ba go neng ga buiwa ka ga bone mo go Tshenolo 2 le 3 ke bo mang? Maina a bona a ka utlwala a tlwaetswe.

Bapagami ba masaitseweng ba dipitse mo go Tshenolo kgaolo ya bo 6 ke bo mang? Bona ba na le sengwe se le sengwe se se botlhokwa se ba neng ba se tlhakanetse.

A United States e a umakiwa ka mo Bukeng ya Tshenolo?

144,000 e e neng ya bolokesega ka mo kgaolong ya bo 7 ke bo mang?

Seaka se segolo sa kgaolo ya bo 17 ke mang? Bomang jwa mosadi yo le diphiri tsotlhe tseno di ne tsa senolwa

ka mo Molaetseng wa moporofeti yona yo o maatla yo neng a rometswe go tswa Modimong.

Eseng fela gore metlholo e e senang palo e ne ya latela monna yona, fela masaitseweng a a fitlhgileng ka mo Baebeleng go ralala dipaka le one a ne a senolwa mo bodireding jwa gagwe. Go ne ga ranolega gore moporofeti yona o ne a diragatsa Dikwalo tse di fetang go na le Malaki 4.

*Tshenolo 10:7: Fela mo metlheng ya lenseswe la moengele wa bosupa, motlheng a tla simololang go utlwala, masaitseweng a Modimo a tla bo a weditswe, jaaka a boleletse batlhanka ba gagwe baporofeti.*

Lentswe le goeletsa golo ko lefatsheng gore le tswe mo makokong mme le boele morago ko Lefokong la Modimo la kwa tshimologong. Mongwe le mongwe wa rona ka nosi o na le tshono e Petoro, Jakobose, le Johane ba nnileng le yone. Re na le tshono ya go balwa le ba ba mmalwa ba ba tlhophilweng ba Modimo ba ba sa tleng go obamela mekgatlo ya sedumedi ya motlha o.

Lokwalo lo lo Boitshepo le bolokile ka ga matshelo le ditiro tsa banna ba ba tsamaileng le Modimo ebole ba ne ba tloditswe thata ka Mowa wa Gagwe gore ba ne ba bua MORENA O BUA JAANA mo pontsheng, mme mafoko a bona a ne a tlhomamiswa ke ditshupo le metlholo e e sa foseng. Ba ne ba le baporofeti ba Modimo, le Lentswe la Modimo ko kokomaneng ya bona.

A dinako di farologane jaanong go na le ka fa di neng di ntse motlheng o Jesu a neng a le fano? E ne e le baeteledipele ba sedumedi ba ba neng ba Mmapola. Barutwa ba ne ba le bobotlanyana jo bonnyennye mo gare ga tsamaiso e ton a ya sedumedi. Bona go ne go ilwa go buwa le go dirisana le bona, ba sotliwa, ebole kwa bofelong ba ne ba bolaiwa ka ntlha ya go tsaya kemo

kgatlhanong le tsamaiso ya konokono ya selekoko. Re ka nna ra bo re sa bolaelwe ditumelo tsa rona gompieno, fela rona go tlhomame re a bogisiwa. Jaaka Bafarasai le Basadukai, ba ka se kgone go gana metlholo e e neng e latela bodiredi jwa Mokaulengwe Branham jalo he ba ne ba simolola go dirisa ditlhaselo tse dingwe. O ka nna wa utlwa gore o ne a le moporofeti wa maaka, moeteledipele wa ditumelwana di sele, kgotsa mo go maswe. Mo nneteng, ena o ne a le monna yo o boikobo wa Modimo yo neng a ema ka nitamo kgathlanong le taolo e e sa ineeleng e makoko le ditumelwana di sele di nang le tsone mo godimo ga batho ba Modimo. Ba ne ba tlhasela Jesu ka tsela e e tshwanang motlhlang A ne a ema kgatlhanong le dithuto tse di tlhomameng tsa bona tsa kereke le dingwao.

Modimo ne a tlotla ketleetsego ya Mokaulengwe Branham ya go dumela Lefoko lengwe le lengwe mo Baebeleng, ebile O dirisa bodiredi jwa gagwe go etelela didikadike tsa mewa ya botho ko go Jesu Keresete. Gompieno, Lentswe la Moengwele wa Bosupa le utlwalega kwa godimo jaaka Le kile la ba la dira. Go ka nna batho ba ba didikadike di le pedi lefatshe ka bophara ba dumela Molaetsa wa Mokaulengwe Branham. Mona go ka nna ga bo go le bobotlanyana jo bonnyennye jwa didikadike di le sekete tse di ithayang gore ke Bakeresete, fela ke leng mo batho ba Modimo ba nnileng ba se bobotlanyana?

Re na le dithero tse di fetang 1,200 tse di gatisitsweng tse di nang le Lentswe le le neng la porofetwa gore le tshwanetse go tla mo go Tshenolo 10:7. Nngwe le nngwe ka bonosi ya dithero tsena e lotlolola masaitseweng a Modimo. Lentswe leo le teng ka ntlha ya gago fa wena o etletseegile go Le utlwa.

# MAIKGETHELO KE A GAGO

*Le ka motsotso o le mongwe nna ga ke tlise molaetsa ko bathong gore ba tle ba ntatele, kgotsa ba ipataganye le kereke ya me, kgotsa ba simolole kabalano nngwe kgotsa lekgotla. Ga ke ise ke dire seo ebole nka se ka ka dira seo jaanong. Ga ke na kgatlhego epe mo dilong tseo, fela ke na le kgatlhego mo dilong tsa Modimo le batho, mme fa nna ke ka kgona go dira fela selo se le sengwe ke tlaa kgotsofala. Selo se le sengwe seo ke go bona go tlhomilwe botsalano jwa nneta jwa semowa magareng ga Modimo le batho, jo mo go jone batho ba fetogang go nna ditshedi tse dintšhwa mo go Keresete, ba tladitswe ke Mowa wa Gagwe ebole ba tshela go ya ka Lefoko la Gagwe. Ke tlaa laletsa, ke lope le go tlhagisa botlhe gore ba utlwe Lentswe la Gagwe ka nako eno, le bo le neele matshelo a lone ka botlalo ko go Ena, le e leng jaaka ke tshepa mo pelong ya me gore nna ke neetse gotlhe ga me ko go Ena. Modimo a lo segofatse, mme mma go tla ga Gagwe go itumedise pelo ya gago.*

Moruti William Marrion Branham



# METSWEDEI

## JESU KERESETE KE MODIMO (BOMODIMO)

EKE 20:3	O se nne le medimo epe e sele kwa ntle ga me.
ISAIA 9:6	Gonne ngwana re mo tsaletswe, morwa re mo neilwe: mme puso e tla nna mo legetleng la gagwe: mme o tla bidiwa yo o Gakgamatsang, Mogakolodi, Modimo yo o thata, Rara yo o sa khutleng, Kgosi ya Kagiso.
MAT 1:23	Bonang, lekgarebe le tla ima, le bo le belega morwa, mme ba tla bitsa leina la gagwe Imanuele, le e leng gore ka phetolo ke gore, Modimo o na le rona.
JOH 1:1	Ko tshimologong e ne e le Lefoko, mme Lefoko le ne le na le Modimo, mme Lefoko e ne e le Modimo.
JOH 1:14	Mme Lefoko le ne la dirwa nama, la bo le aga mo gare ga rona, (mme re ne ra bona kgalalelo ya gagwe, e le kgalalelo e le labanyeng yo o tsatsweng a le esi wa Rara,) a tletse bopelothomoggi le boammaaruri.
JOH 4:24	Modimo ke Mowa: mme ba ba mo obamelang ba tshwanetse ba mo obamele ka mowa le ka boammaaruri.
JOH 5:43	Nna ke tsile mo leineng la ga Rre, mme ga lo ntshole: mme fa o sele a ka itlela ka leina la gagwe, ene le tla mo tshola.
JOH 8:19	Foo ba ne ba mo raya ba re, Rraago o kae? Jesu ne a araba a re, Ga lo nkitsi, le fa e le Rre: fa lo ka bo lo nkitsile, le ene Rre lo ka bo lo mo itsile.
JOH 10:30	Nna le Rara re bongwefela.
JOH 12:45	Mme ena yo o mponang o bona ene yo o nthomileng.
JOH 14:8-9	Filipo ne a mo raya a re, Morena, re supetse Rara, mme foo go tla bo go re lekane. Jesu a mo raya a re, Ga ke bolo go nna le lona, mme le ka nako e ga o ise o nkitsi, Filipo? ena yo o mponyeng o bonye Rra; mme wena o bua jang foo, Re supetse Rara?
JOH 20:28	Mme Thomase ne a mo araba a re, Morena wa me le Modimo wa me.
DITIRO 2:36	Ke gone ka moo a lelwapa lengwe le lengwe la Israele le itse ruri, gore Modimo o dirile ene Jesu yoo, yo lo mmapotseng, tsoopedi Morena le Keresete.
DITIRO 9:4-5	Mme a wela fatshe, a bo a utlwa lentswe le mo raya le re, Saule, Saule, gobaneng o mpogisa? Mme ene o ne a re, Wena o mang, Morena? Mme Morena ne a re, Ke nna Jesu yo o mmogisang: go thata mo go wena go raga ditlhabi tsa leswane.
BAEFESO 4:5	Morena a le mongwe fela, tumelo e le nngwe fela, kolobetsa e le nngwe fela,
BAK 1:13-17	Yo a re golotseng mo thateng ya lefifi, mme a re tsenya mo pusong ya Morwa wa gagwe yo o rategang: Yo re nang le kgololo mo go ena ka madi a gagwe, e bong boitshwarelo jwa dibe: Yo e leng setshwano sa Modimo yo o sa bonweng, yo o tsatsweng pele ga tlholego yotlhe: Gonne dilo tsotlhe di tlhodilwe ka ena, tse di mo legodimong, le tse di mo lefatsheng, tse di bonwang le tse di sa bonweng, le fa e ka nna ditulo tsa bogosi, gongwe magosi, gongwe bolaodi, gongwe dithata: dilo tsotlhe di tlhodilwe ka ene, di bile di tlhoretswe ene: Mme ene o sale a nna teng pele ga dilo tsotlhe, e bile dilo tsotlhe di tlhomame ka ene.

BAK 2:6-9	<p>Jaaka ga e le gore lo amogetse Keresete Jesu Morena, jaanong tsamayang mo go ene: Lo namile medi lo bile lo agiwe mo go ene, mme lo tiisitswe mo tumelong, fa lo rutilweng ka teng, lo penologe tebogo.</p> <p>Elang tlhoko esere motho ope a lo ithopela ka thuto ya botlhale le ka tsietsa ya boithamako, ka fa dingwaong tsa batho, ka fa dithateng tsa tlhago tsa lefatshe, mme e seng ka fa go Keresete. Gonno bottlalo jotlhe jwa Bomodimo bo agile mo go ene ka sebele.</p>
BAHEB 13:8	Jesu Keresete yo o tshwanang maabane, le gompieno, le ka bosaeng kae.
I JOH 5:7	Gonno go na le ba bararo ba ba supang ko legodimong, Rara, Lefoko, le Mowa o o Boitshepo: mme boraro jona ke bongwe fela.
TSHEN 1:8	Ke Nna Alefa le Omega, tshimologo le bofelo, go bua Morena, yo o leng teng, ebile yo neng a le teng, ebile ke yo o tla tlhang, Mothatayotlhe.

## ( KOLOBETSO YA METSI )

MAT 28:19	Ka moo he yaang, le rute ditshaba tsotlhe, lo ba kolobetse mo leineng la Rara, le la Morwa, le la Mowa o o Boitshepo:
MAR 16:16	Yo o dumelang a ba a kolobidiwa o tla pholosiwa; fela ena yo o sa dumeleng o tla atlholwa.
DITIRO 2:38	Foo Petoro o ne a ba raya a re, Sokologang, mme a mongwe le mongwe wa lona a kolobediwe ka leina la ga Jesu Keresete go bona boitshwarelo jwa dibe, mme lo tla amogela neo ya Mowa o o Boitshepo.
DITIRO 4:12	Mme ga go na pholoso mo go ope o sele: le gona ga go na leina lepe le sele fa tlase ga legodimo le le neilweng mo gare ga batho, le re tshwanetseng go pholosiwa ka lone.
DITIRO 8:12	Fela erile ba dumela Filipo yo o neng a rera dilo tse di leng ka ga bogosi jwa Modimo, le leina la ga Jesu Keresete, ba ne ba kolobediwa, botlhe barna le basadi.
DITIRO 19:3-5	A bo a ba botsa a re, Lona fong lo kolobeditswe ka kolobetso efe? Ba bo ba re, Ka kolobetso ya ga Johane. Foo Paulo ne a re, Johane ruri o ne a kolobetsa ka kolobetso ya tshokologo, a bolelela batho, gore ba dumele mo go ene yo o tla tlhang morago ga gagwe, e bong, mo go Keresete Jesu. Ya re ba sena go utlwa jalo, ba ne ba kolobediwa mo leineng la Morena Jesu.
BAEFESO 4:5	Morena a le mongwe fela, tumelo e le nngwe fela, kolobetso e le nngwe fela,
BAK 3:17	Mme le fa e le eng se lo se dirang ka lefoko gongwe ka tiro, dirang tsotlhe mo leineng la Morena Jesu, lo ntse lo leboga Modimo le Rara ka ene.

# METSWEDI

## BAPOROFETI

DIPALO 12:6	Mme o ne a re, Jaanong utlwang mafoko a me: Fa go na le moporofeti mo gare ga lone, Nna MORENA ke tlaa mo lkitsise ka ponatshegelo, mme ke tlaa bua nae ka toro.
DOITER 18:21-22	Mme fa o ka bua mo pelong ya gago wa re, Re tla itse jang lefoko le MORENA a sa le buang? E re fa moporofeti a bua mo leineng la MORENA, fa selo se se sa latele, le e seng go diragala, seo ke selo se MORENA a sa se buang, fela moporofeti o se buile ka boikgogomoso: o se ka wa mmoifa.
I DITIRA 16:20-22	Mme erile ba ne ba itsamaela ba tswa setshabeng go ya setshabeng, le go tloga bogosing bongwe go ya kwa morafeng o mongwe; A se ka a lettelela ope go ba direla phoso: eya, o ne a kgalemela dikgosi ka ntlha ya bone, A re, Lo se ka lwa ama batlodiwa ba me, le e seng go direla baporofeti ba me bosula bope.
PESALOME 105:12-15	Nako e palo ya bona e ne e sa ntse e le ya banna ba banny; eya, ba le banny thata, ebole ba le baeng ka yone. Motlhlang ba ne ba tsamaya go tloga setshabeng go ya go se sengwe, go tloga bogosing bongwe go ya kwa morafeng o mongwe; O ne A se ka a lettelela ope go ba direla phoso: eya, o ne a kgalemela dikgosi ka ntlha ya bone; A re, Se ameng batlodiwa ba me, mme lo se direle baporofeti ba me bosula bope.
AMOSE 3:7	Ruri Morena MODIMO ga a tle go dira sepe, fa e se fa a senoletse baporofeti batlhanka ba gagwe sephiri sa gagwe.
MALAKI 4:5	Bonang, Ke tlaa lo romela Elia moporofeti pele ga go tla ga letsatsi la MORENA le le golo le le boifisang:
LUKA 1:70	Jaaka a buile ka molomo wa baporofeti ba gagwe ba ba boitshepo, mo go nnileng go le esale lefatshes le simolotse:
LUKA 24:25	Foo Jesu ne a ba raya a re, Oho dimatla ke Iona, ba lo pelo di bonya go dumela tsotlhе tse baporofeti ba di buileng:
DITIRO 7:52	Ke ofe wa baporofeti yo borraeno ba se kang ba mmogisa? mme ba bolaile ba ba boleletseng pele ka ga go tla ga Mosiami; yo jaanong lo nnileng baoki le babolai ba gagwe:
DITIRO 24:14	Fela seno ke a go ipobolela, gore ka fa tseleng e ba reng ke moikeolo, nna ke direla Modimo wa borraetsho jalo, ke ntse ke dumela tsotlhе tse di kwadilweng mo molaong le mo baporofeting:
BAEFESO 2:20	Mme lo agilwe mo motheong wa baapostolo le baporofeti, Jesu Keresete ka sebele e leng lenswe la konokono la sekhutlo;
BAHEB 1:1-2	Modimo, yo mo dinakong tse di farologaneng le ka mekgwa ya mefutafuta a neng a bua mo metlheng ya bogologolo ka baporofeti, O ne a bua le rona mo metlheng eno ya bofelo ka Morwae, yo a mmeileng morua boswa wa dilo tsotlhе, yo e bileng a dirileng mafatshe ka ene;

# METLHOLO/PHODISO YA SEMODIMO

DOITER 26:8	Mme MORENA a ba a re hudusa kwa Egepeto ka seatla se se thata, le ka letsogo le le otlogileng, le ka theregiso e kgolo, le ka ditshupo, le dikgakgamato:
BAATLHODI 6:13	Mme Giteone a mo raya a re, Oho Morena wa me, fa MORENA a na le rona, ke ka ntlha ya eng fa dilo tsotlhе tseна di re dirafaletse? mme dikgakgamatso tsotlhе di kae tse borraetshо ba di re boleletseng, ba re: Kana MORENA o re ntshitse kwa Egepeto? Fela jaanong MORENA o re latlhile, ebile o re neetse mo diatleng tsa Bamidiane.
PESALOME 103:3	Yo o itshwarelang maleo a gago otlhe; yo o fodisang makoa a gago otlhe;
ISAIA 53:5	Fela o ne a ntshediwa ditlolo tsa rona matsanko, o ne a tekotelwa maikepo a rona: petso ya kagiso ya rona e ne e le mo go ene; mme ka dingalo tsa gagwe re a fodisiwa.
DANIELE 11:32	Mme ba ba jaaka ba ba dirang bosula kgathlanong le kgolagano o tla ba faposetsa mo boheitaneng ka mafoko a a borethe: mme batho ba ba itseng Modimo wa bone ba tla sala ba tiile, mme ba dire ditiro tse dikgolo.
MAREKO 16:17-18	Mme ditshupo tseна di tlaa latela ba ba dumelang; Ba tla kgarameletsa medemone ntle ka leina la me; ba tla bua ka diteme tse dintshwa; Ba tla tsholetsa dinoga; mme le fa ba ka nwa selo sepe se se bolayang, ga se nke se ba dira sepe; ba tla baya diatla mo balwetseng, mme ba tla fola.
JOHANE 14:12	Ammaaruri, ammaaruri, ke lo raya ke re, Yo o dumelang mo go nna, le ene o tla dira ditiro tse ke di dirang; ebile o tla dira ditiro tse dikgolo bogolo go tse; ka gonne ke ya kwa go Rara.
DITIRO 19:12	Mo e bileng gore disakatukwi gongwe dikhiba tse di neng di amile mmele wa gagwe di ne tsa bewa mo balwetseng, mme malwetse a ne a tloga mo go bone, le mewa e e bosula e ne ya tswa mo go bone.
I BATHESAL 1:5	Gonne Efangele ya rona ga e a ka ya tla ko go lona ka mafoko fela, mme e tsile le ka thata, le ka Mowa o o Boitshepo, le ka tlhomamo e kgolo; jaaka lo itse gore ke mehuta efeng ya batho e re neng re le yone mo go lona ka ntlha ya lona.
JAKOBO 2:18	Eya, motho a ka re, Wena o na le tumelo, mme nna ke na le ditiro: mpontshe tumelo ya gago e e se nang ditiro, mme nna ke tlaa go bontsha tumelo ya me ka ditiro tsa me.
JAKOBO 2:20	Fela a o tlaa rata go itse, Oho motho yo o bosilo, gore tumelo e e se nang ditiro e sule?
JAKOBO 5:14-15	A mongwe wa lona o a lwalla? a a bitse bagolo ba kereke; mme a ba mo rapelele, ba mo tlotsе lookwane ka leina la Morena: Mme thapelo ya tumelo e tla thusa yo o lwalang, mme Morena o tla mo tsosa; mme fa a dirile maleo, o tla a itshwarelwа.
JAKOBO 5:16	Ipobolelaneng dibe, lo rapelelane, gore lo tle lo fodisiwe. Thapelo ya tlhoaфalo ya mosiami e nonofile go dira tse dikgolo.
I PETORO 2:24	Yo neng a belegela maleo a rona ka boene ka mmele wa gagwe kwa setlhareng, gore rona, re ne re le ba ba suleng ntlheng ya boleo, re tshelele tshiamo: yo re fodisitsweng ka dingalo tsa gagwe.

# METSWEDI

## ( MOWA WA GA ELIA )

II DIKGOSI 2:15	Mme ya re barwa ba baporofeti ba ba neng ba lebaganye nae kwa Jerikho ba mmona, ba ne ba re, Mowa wa ga Elia o mo go Elisha. Mme ba ne ba tla ba mo kgatlhantsha, mme ba mo ikobela fa fatshe mo pele ga gagwe.
ISAIA 40:3-4	Lentswe la yo o bitsang ko bogareng ga naga la re, Baakanyang tsela ya MORENA, lo siamisetse Modimo wa rona tsela-kgolo mo sekakeng. Dikhuti tsotlhe di tla katelwa, le dithaba tsotlhe le dithabana di tla kokobediwa: ebile fa go sokameng go tlaa lolamisiwa, le mafelo a magwata a tlaa papanwa:
MALAKI 3:1	Bonang, Ke tlaa lo romela morongwa, mme o tlaa baakanya tsela fa pele ga me: mme Morena, yo lo mo senkang, o tla tla mo tempeleng ya gagwe ka tshoganetso, le e leng morongwa wa kgolagano, yo lo itumelang mo go ena: bonang, o tla tla, go bua MORENA wa masomosomo.
MALAKI 4:5-6	Bonang, Ke tlaa lo romela Elia moporofeti pele ga go tla ga letsatsi la MORENA le le golo le le boifisang: Mme o tla sokololela pelo ya borrabana mo baneng ba bona, le pelo ya bana kwa go borraabo, e se re kgotsa ka tla mme ka itaya lefatshe ka phutso.
MAT 11:10 (Mareko 1:2, Luka 7:27)	Gonne yo ke ene, yo go kwadilweng ka ga gagwe ga twe: Bona, ke roma morongwa wa me fa pele ga gago, yo o tla baakanya tsela ya gago fa pele ga gago.
MAT 11:14	Mme fa lo tlaa go dumela, yona ke Eliase, yo neng a tshwanetse go tla.
MAT 17:11-12	Mme Jesu ne a araba a ba raya a re, ka nnete Eliase o tla tla pele, a bo a tsosolosa dilo tsotlhe. Fela ke lo raya ke re, Gore Eliase o setse a tsile, mme ga ba a ka ba mo itse, fela ba dirile ka ene ka fa ba ratileng ka teng. Ka tsela e e tshwanang Morwa motho le ene o tla bogiswa ke bona.
LUKA 1:17	Mme o tla mo etelela pele mo moweng le mo thateng ya ga Elia, go sokololela dipelo tsa borra-bana mo baneng, le ba ba sa utlweng go ba sokololela mo botlhaleng jwa basiami; go baakanyetsa Morena setshaba se se etleeditseng.
LUKA 3:4 (Mat 3:3, Mareko 1:3, Joh 1:23)	Jaaka go kwadilwe ka teng mo bukeng ya mafoko a ga moporofeti Isaia, go twe, Lentswe la mongwe yo o kuang mo bogare ga naga la re, Baakanyang tsela ya Morena, siamisang mebila ya gagwe.

Ka ntlha ya tshedimosetso e nngwe ka ga bodiredi jwa ga Moruti William Marrion Branham le ka foo o ka amogelang dithero tsa gagwe, tsweetswee golagana le:

**[www.molaetsa.info](http://www.molaetsa.info)**

**kgotsa**

Voice Of God Recordings Inc.  
58 Disa Rd., Admiral's Park, Gordon's Bay,  
7140 Western Cape, Republic of South Africa  
+27 (21) 8563110  
[www.branham.org](http://www.branham.org)





---

[www.molaetsa.info](http://www.molaetsa.info)

TSWANA

---

# SERMON INFORMATION PAGE

Language: TSWANA

Sermon Title: The Messenger Tract

Type of Book: [X] Tract

Pages: ?? Pages

Revision #1: Laid out and Paged. 5-22-19

Revision #2: Entered L.C. Corrections. 7-3-19

Revision #3: Entered final corrections. 9-11-19

Last line